


地藏菩薩本願經(卷上)手抄文件

Penyalinan Sutra Ksitigarbha Bodhisattva Bab Awal

滿足成就佛陀智慧

一切衆生無上福田



Maha Mula Acarya Lian Sheng

Maha Guru Lian Sheng (Lu Sheng-Yen) adalah perintis Zhen Fo Zong (True Buddha School) yang dilahirkan pada tahun 1945 (Imlek tanggal 18 bulan 5) di Chiayi, Taiwan. Beliau juga di kenal sebagai Maha guru mula/mulacarya/ grandmaster dan juga guru silsilah oleh umat Zhen Fo Zong. Maha guru lian sheng memiliki 4 silsilah guru yaitu: Biksu Liao Ming.- sekte Nyingmapa, sakya Zheng Kong Lama - sekte Sakyapa, Maha Ratna Dharma Raja Karmapa ke-16 - sekte Kargyupa, Tuten Dhargay Rinpoche - sekte Gelugpa.

Zhen Fo Zong (真佛宗) adalah sekte yang berkembang paling cepat di seluruh dunia dalam dua dekade terakhir ini, dewasa ini terdapat 5 juta lebih murid diseluruh dunia yang bersarana dgn beliau, lebih dari dari 400 lokasi cetiya cabang dan pusat pembabaran Dharma terbesar merata di setiap pelosok dunia, telah berdiri lebih dari 30 Maha Vihara. Semua ini dijalankan oleh murid sendiri secara sukarela, dan juga telah banyak Rinpoche lain yang berguru pada beliau seperti: mantan ketua parlemen Tibet, Kasur Jigme L.Rinpoche, Tuten Gyatso Rinpoche, Tsampa Rinpoche, dan lain-lain. Sejak tahun 1989, beliau selalu membabarkan Dharma dan menolong para insan di berbagai pelosok dunia.

Maha guru lian sheng juga telah menulis lebih dari 200 buku (tercatat di tahun 2009). Buku-buku yang ditulis beliau mencakup topic tentang agama budha tantra, Budha Zen, Tao dan Feng Sui. Ada beberapa buku tersebut telah di terjemah dalam bahasa indonesia, inggris dan banyak bahasa lain.



Informasi Penting

Dokumen untuk menyalin sutra ini dibuat dan dipublikasikan oleh [Vihara Vajra Bhumi Sriwijaya](#) (聖輪雷藏寺). Penulisan dalam sutra ini disalin berdasarkan sutra dalam bahasa mandarin yang diperoleh dari situs [True Budha School](#).

Inti dan pahala menyalin sutra dapat dilihat di beberapa sutra berikut ini

- Didalam Sutra Vajra (金剛經/ Jin Gang Jing) - dengan mendengarkan sutra ini, hati akan tenang, mendapatkan kebahagiaan sejati. Apalagi menyalin, meyakini, membaca serta menjelaskannya sutra ini kepada orang lain.
- Didalam Pundarika Sutra 法華經 / Fa Hua Jing) - yang menyalin sutra ini, orang tersebut bagaikan bertemu, melihat dan mendengarkan sutra ini secara langsung dari mulut Sakyamuni Buddha.
- Didalam Sutra Bhaisajyaguru Buddha (藥師經 / Yao Shi Jing) - bila menyalin, mengajarkan orang menyalin sutra ini, meyakininya sepenuh hati, memahami sutra ini, semua permohonan terkabulkan, dan dapat meningkatkan Bodhicitta.
- Pahala dalam menyalin sutra juga dijelaskan di dalam Sutra Ksitigarbha, Sutra Amitayus, dan beberapa sutra penting lainnya.

Sebelum menyalin sutra hendaknya terlebih dahulu:

1. Membersihkan kedua tangan
2. Duduk dalam posisi yang benar
3. Menenangkan dan membersihkan jasmani, mulut dan pikiran dengan menjapa [Mantra Pembersihan](#)
4. Memohon adhistana silsilah dari Maha Mula Acarya Lian Sheng dengan menjapa Mantra hati Mahaguru sebanyak 7 kali [Om Guru Lian Sheng Siddhi Hum]

Setelah menyalin sutra boleh menyalurkan jasa untuk permohonan pribadi, atau dapat mengikuti penyaluran jasa yang terdapat di akhir penulisan sutra ini. Sutra yang telah selesai disalin dapat diletakkan di altar mandala, kemudian melakukan sadhana 1 kali dengan membaca sutra yang disalin tersebut. Setelah melakukan 1 kali sadhana, sutra tersebut dapat dibakar bersama dengan kertas mantra. Sutra ini boleh diprint, direcord, atau di publikasikan lagi tetapi TIDAK UNTUK DIPERJUAL BELIKAN. Penyalinan dan publikasi dari sutra ini dilakukan oleh team pengurus situs vihara. Terima kasih kepada:

- HR dan teman – teman atas penyalinan, penyusunan dan pemasangan sutra ini di situs vihara

Doa dan Gatha Penyaluran Jasa

Memohon Adhistana Maha Mula Acarya Lian Sheng, para Buddha, Bodhisattva, dan para Pelindung Dharma.

Semoga Jasa dan Kebajikan:

- Memperindah tanah suci para Buddha
- Menghilangkan malapetaka dan bencana
- Menyebarluaskan benih kebajikan bagi semua makhluk hidup
- Mengikis karma buruk dan menambah berkah serta prajna
- Membalas empat budi besar
- Menolong makhluk yang ada di tiga alam sengsara

Semoga mereka yang mendengarkan, melaftalkan dan menyalin sutra ini:

- Dapat bertekad untuk membangkitkan kebodhian sampai di akhir penghidupan ini
- Bersama-sama lahir di alam Sukhavatiloka dan kelak mencapai kebudhaan

Om Guru Lian Sheng Siddhi Hum

Informasi lebih lanjut

- Zhen Fo Zong (True Buddha School) pusat kunjungi: <http://www.tbsn.org>
- Informasi alamat Vihara Zhen Fo Zhong terdekat di kota anda: <http://www.shenlun.org/artikel-lain/alamat-vihara-zhen-fo-zhong-di-indonesia/>
- Biografi Maha Acarya Lian Sheng dalam Bahasa Indonesia: <http://www.shenlun.org/biografi/grand-master-lu/>
- Informasi bersarana dengan Maha Acarya Lian Sheng dalam bahasa indonesia kunjungi: <http://www.shenlun.org/pendaftaran/sarana/>

Vihara Vajra Bhumi Sriwijaya (聖輪雷藏寺)

Jalan sayangan Lrg. Rumah Kuning Lama No. 619 Palembang

Telp. (0711) 350 798 Fax. (0711) 320 124

Email : contactus@shenlun.org

Situs : <http://www.shenlun.org>

Blog : <http://blog.shenlun.org>

Facebook : <http://www.facebook.com/ViharaVajraBhumiSriwijaya>

Youtube : <http://www.youtube.com/j1ngen>

地藏菩薩本願經 卷上

香讚：

爐香乍熱 法界蒙熏 諸佛海會 悉遙聞
 隨處結祥雲 誠意方殷 諸佛現全身
 南無香雲蓋菩薩摩訶薩（三稱）

覺林菩薩偈：

華嚴第四會。夜摩天宮。無量菩薩來集。說偈讚佛。爾時覺林菩薩。承佛威力。遍觀十方。而說頌言。譬如工畫師。分布諸彩色。虛妄取異相。大種無差別。大種中無色。色中無大種。亦不離大種。而有色可得。心中無彩畫。彩畫中無心。然不離於心。有彩畫可得。彼心恆不住。無量難思議。

◦ 示現一切色。各各不相知。譬如工畫師。不能知自心。而由心故畫。諸法性如是。心如工畫師。能畫諸世間◦ 五蘊悉從生。無法而不造。如心佛亦爾。如佛眾生然。應知佛與心。體性皆無盡。若人知心行。普造諸世間◦ 是人則見佛。了佛真實性。心不住於身。身亦不住心。而能作佛事。自在未曾有。若人欲了知。三世一切佛◦ 應觀法界性。一切唯心造。(昔人有云。一偈之功。能破地獄。何況此全一章偈耶。願思此言。勉共傳誦。)

讚：

稽首本然淨心地
南方世界湧香雲

無盡佛藏大慈尊
香雨花雲及花雨

寶雨寶雲無數種
天人問佛是何因
三世如來同讚歎
我今宿植善因緣

為祥為瑞遍莊嚴
佛言地藏菩薩至
十方菩薩共歸依
稱揚地藏真功德

慈因積善。誓救眾生。手中金錫。振開地獄之門。掌上明珠。光攝大千世界。智慧音裏。吉祥雲中。浮提苦眾生。作大證明功德主。大悲大願。大聖大慈。本尊地藏菩薩摩訶薩。

南無本師釋迦牟尼佛（三稱）

開經偈：

無上甚深微妙法。百千萬劫難遭遇。
我今見聞得受持。願解如來真實義。
地藏菩薩本願經 卷上

忉利天宮神通品第一

如是我聞。一時佛在忉利天。為母說法。爾時十方無量世界。不可說不可說一切諸佛。及大菩薩摩訶薩。皆來集會。讚歎釋迦牟尼佛。能於五濁惡世。現不可思議大智慧神通之力。調伏剛強眾生。知苦樂法。各遣侍者。問訊世尊。是時如來含笑。放百千萬億大光明雲。所謂大圓滿光明雲。大慈悲光明雲。大智慧光明雲。大般若光明雲。大三昧光明雲。大吉祥光明雲。大福德光明雲。大功德光明雲。大歸依光明雲。歎光明雲。放如是等不可說光明雲已。又出種種微妙之音。所謂檀波羅蜜音。尸波羅蜜音。羼提波羅蜜音。毗離耶波羅蜜音。禪波

羅蜜音。般若波羅蜜音。慈悲音。喜捨音。解脫音。無漏音。智慧音。大智慧音。師子吼音。大師子吼音。雲雷音。大雲雷音。出如是等不可說不可說音已。娑婆世界。及他方國土。有無量億天龍鬼神。亦集到忉利天宮。所謂四天王天。忉利天。須燄摩天。兜率陀天。化樂天。他化自在天。梵眾天。梵輔天。大梵天。少光天。無量光天。光音天。沙淨天。無量淨天。遍淨天。福生天。福愛天。廣果天。無想天。無煩天。無熱天。善見天。善現天。色究竟天。摩醯首羅天。乃至非想非非想處天。一切天眾。龍眾鬼神等眾。悉來集會。復有他方國土。及娑婆世界。海神。

江神。河神。樹神。山神。地神。川澤神。苗稼神。晝神。夜神。空神。天神。飲食神。草木神。如是等。皆來集會。復有他方國土及娑婆世界。諸大鬼王。所謂惡目鬼王。噉血鬼王。噉精氣鬼王。噉胎卵鬼王。行病鬼。攝毒鬼王。慈心鬼王。福利鬼王。大愛敬鬼王。如是等鬼王。皆來集會。爾時釋迦牟尼佛。告文殊師利法王子菩薩摩訶薩。汝觀是一切諸佛菩薩。及天龍鬼神。此世界他世界。此國土他國土。如是今來集會到忉利天者。汝知數不。文殊師利白佛言。世尊。若以我神力千劫測度。不能得知。佛告文殊師利。吾以佛眼觀故。猶不盡數。此皆是地藏菩薩久遠劫來。已

度。當度。未度。已成就。當成就。
未成就。文殊師利白佛言。世尊。我
已過去久修善根。證無礙智。聞佛所
言。即當信受。小果聲聞。天龍八部
。及未來世諸眾生等。雖聞如來誠實
之語。必懷疑惑。設使頂受。未免興
謗。唯願世尊。廣說地藏菩薩摩訶薩
。因地作何行。立何願。而能成就不
思議事。佛告文殊師利。譬如三千大
千世界所有草木叢林。稻麻竹葦。山
石微塵。一物一數。一恆河沙。一沙
一界。一界之內。一塵一劫。一劫之
內。所積塵數。盡充為劫。地藏菩薩
證十地果位以來。千倍多於上喻。何
況地藏菩薩在聲聞辟支佛地。文殊師
利。此菩薩威神誓願。不可思議。若

未來世。有善男子善女人。聞是菩薩名字。或讚歎。或瞻禮。或稱名。或供養。乃至彩畫刻鏤塑漆形像。是人當得百返生於三十三天。永不墮惡道。文殊師利。是地藏菩薩摩訶薩。於過去久遠不可說不可說劫前。身為大長者子。時世有佛。號曰師子奮迅具足萬行如來。時長老子見佛相好。千福莊嚴。因問彼佛。作何行願。而得此相。時師子奮迅具足萬行如來告長者子。欲證此身。當須久遠度脫一切受苦眾生。文殊師利。時長者子因發願言。我今盡未來際。不可計劫。為是罪苦六道生。廣設方便。盡令解脫。而我自身方成佛道。以是於彼佛前立斯大願。于今百千萬億那由他不

可說劫。尚為菩薩。又於過去不可思議阿僧祇劫。時世有佛。號曰覺華定自在王如來。彼佛壽命四百千萬億阿僧祇劫。像法之中。有一婆羅門女。宿福深厚。眾所欽敬。行住坐臥。諸天衛護。其母信邪。常輕三寶。是時聖女。廣設方便。勸誘其母。令生正見。而此女母。未全生信。不久命終。魂神墮在無間地獄。時婆羅門女。知母在世。不信因果。計當隨業。必生惡趣。遂賣家宅。廣求香華。及諸供具。於先佛塔寺。大興供養。見覺華定自在王如來。其形像在一寺中。塑畫威容。端嚴畢備。時婆羅門女。瞻禮尊容。倍生敬仰。私自念言。佛名大覺。具一切智。若在世時。我母

死後。儻來問佛。必知處所。時婆羅門女。垂泣良久。瞻戀如來。忽聞空中聲曰。泣者聖女。勿至悲哀。我今示汝母之去處。婆羅門女合掌向空。而白空曰。是何神德。寬我憂慮。我自失母以來。晝夜憶戀。無處可問。知母生界。

時空中有聲。再報女曰。我是汝所瞻禮者。過去覺華定自在王如來。見汝憶母。倍於常情眾生之分。故來告示。婆羅門女聞此聲已。舉身自撲。肢節皆損。左右扶侍。良久方蘇。而白空曰。願佛慈愍。速說我母生界。我今身心將死不久。時覺華定自在王如來。告聖女曰。汝供養畢。但早返舍。端坐思惟吾之名號。即當知母所生去

處。時婆羅門女尋禮佛已。即歸其舍。以憶母故。端坐念覺華定自在王如來。經一日一夜。忽見自身到一海邊。其水涌沸。多諸惡獸。盡復鐵身。飛走海上。東西馳逐。見諸男子女人。百千萬數。出沒海中。被諸惡獸爭取食噉。又見夜叉。其形各異。或多手多眼。多足多頭。口牙外出。利刃如劍。驅諸罪人。使近惡獸。復自搏攫。頭足相就。其形萬類。不敢久視。時婆羅門女。以念佛力故。自然無懼。有一鬼王名曰無毒。稽首來迎。白聖女曰。善哉菩薩。何緣來此。時婆羅門女問鬼王曰。此是何處。無毒答曰。此是大鐵圍山。西面第一重海。聖女問曰。我聞鐵圍之內。地獄在

中。是事實不。無毒答曰。實有地獄。聖女問曰。我今云何得到獄所。無毒答曰。若非威神。即須業力。非此二事。終不能到。聖女又問。此水何緣。而乃涌沸。多諸罪人。及以惡獸。無毒答曰。此是閻浮提造惡眾生。新死之者。經四十九日後。無人繼嗣。為作功德。救拔苦難。生時又無善因。當據本業所感地獄。自然先渡此海。海東十萬由旬。又有一海。其苦倍此。彼海之東。又有一海。其苦復倍。三業惡因之所招感。共號業海。其處是也。聖女又問鬼王無毒曰。地獄何在。無毒答曰。三海之內。是大地獄。其數百千。各各差別。所謂大者。具有十八。次有五百。苦毒無量。

◦ 次有千百◦ 亦無量苦◦ 聖女又問大鬼王曰◦ 我母死來未久◦ 不知魂神當至何趣◦ 鬼王問聖女曰◦ 菩薩之母◦ 在生習何行業◦ 聖女答曰◦ 我母邪見◦ 譏毀三寶◦ 設或暫信◦ 旋又不敬◦ 死雖日淺◦ 未知生處◦ 無毒問曰◦ 菩薩之母◦ 姓氏何等◦ 聖女答曰◦ 我父我母◦ 俱婆羅門種◦ 父號戶羅

善現◦ 母號悅帝利◦ 無毒合掌啟菩薩曰◦ 願聖者卻返本處◦ 無至憂憶悲戀◦ 悅帝利罪女◦ 生天以來◦ 經今◦ 三日◦ 云承孝順之子◦ 為母設供修福◦ 布施覺華定自在王如來塔寺◦ 非唯菩薩之母◦ 得脫地獄◦ 應是無間罪人◦ 此日悉得受樂◦ 俱同生訖◦ 鬼王言畢◦ 合掌而退◦ 婆羅門女尋如夢歸◦ 悟

此事已。便於覺華定自在王如來塔像之前。立弘誓願。願我盡未來劫。應有罪苦眾生。廣設方便。使令解脫。佛告文殊師利。時鬼王無毒者。當今財首菩薩是。婆羅門女者。即地藏菩薩是。

分身集會品第二

爾時百千萬億不可思不可議不可量不可說無量阿僧祇世界。所有地獄處。分身地藏菩薩。俱來集在忉利天宮。以如來神力故。各以方面。與諸得解脫。從業道出者。亦各有千萬億那由他數。共持香華。來供養佛。彼諸同來等輩。皆因地藏菩薩教化。

是諸眾等。久遠劫來。流浪生死。六道受苦。暫無休息。以地藏菩薩廣大慈悲。深誓願故。各獲果證。既至忉利。心懷踊躍。瞻仰如來。目不暫捨。爾時世尊舒金色臂。摩百千萬億不可思不可議不可量不可說無量阿僧祇世界諸分身地藏菩薩摩訶薩頂。而作是言。吾於五濁惡世。教化如是剛強眾生。令心調伏。捨邪歸正。十有一二。尚惡習在。吾亦分身千百億。廣設方便。或有利根。聞即信受。或有善果。勤勸成就。或有暗鈍。久化方歸。或有業重。不生敬仰。如是等輩眾生。或現神鬼身。或現山林川原。河池泉井。利及於人。悉皆度脫。或現天帝身。或現梵王身。或現轉輪王。

身。或現居士身。或現國王身。或現
宰輔身。或現官屬身。或現比丘。比
丘尼。優婆塞。優婆夷身。乃至聲聞
羅漢。辟支佛。菩薩等身。而以化度
。非但佛身獨現其前。汝觀吾累劫勤
苦度脫如是等難化剛強罪苦眾生。

其有未調伏者。隨業報應。若墮惡趣
。受大苦時。汝當憶念吾在忉利天宮
殷懃付囑。今娑婆世界至彌勒出世已
來眾生。悉使解脫。永離諸苦。遇佛
授記。爾時諸世界分身地藏菩薩。共
復一形。涕淚哀戀。白其佛言。我從
久遠劫來。蒙佛接引。使獲不可思議
神力。具大智慧。我所分身。遍滿百
千萬億恆河沙世界。每一世界化百千
萬億身。每一身度百千萬億人。令歸

敬三寶。永離生死。至涅槃樂。但於
佛法中所為善事。一毛一滴。一沙一
塵。或毫髮許。我漸度脫。使獲大利
。唯願世尊。不以後世惡業眾生為慮
。如是三白佛言。唯願世尊。不以後
世惡業眾生為慮。爾時佛讚地藏菩薩
言。善哉善哉。吾助汝喜。汝能成就
久遠劫來。發弘誓願。廣度將畢。即
證菩提。

觀眾生業緣品第三

爾時佛母摩耶夫人。恭敬合掌問地藏
菩薩言。聖者。閻浮

眾生。造業差別。所受報應。其事云
何。地藏答言。千萬世界。乃及國土
。或有地獄。或無地獄。或有女人。

或無女人。或有佛法。或無佛法。乃至聲聞。辟支佛。亦復如是。非但地獄罪報一等。摩耶夫人重白菩薩。且願聞於閻浮罪報所感惡趣。地藏答言。聖母。唯願聽受。我粗說之。佛母白言。願聖者說。爾時地藏菩薩白聖母。南閻浮提罪報名號如是。若有眾生不孝父母。或至殺害。當墮無間地獄。千萬億劫。求出無期。若有眾生出佛身血。毀謗三寶。不敬尊經。亦當墮於無間地獄。千萬億劫。求出無期。若有眾生侵損常住。玷污僧尼。或伽藍內恣行淫欲。或殺或害。如是等輩。當墮無間地獄。千萬億劫。求出無期。若有眾生偽作沙門。心非沙門。破用常住。欺誑白衣。違背戒律。

○種種造惡。如是等輩。當墮無間地
獄。千萬億劫。求出無期。若有眾生
偷竊常住財物。穀米。飲食。衣服。
乃至一物不與取者。當墮無間地獄。
千萬億劫。求出無期。地藏白言。聖
母。若有眾生作如是罪。當墮五無間
地獄。求暫停苦一念不得。摩耶夫人
重白地藏菩薩言。云何名為無間地獄
。地藏白言。聖母。諸有地獄在大鐵
圍山之內。其大地獄有一十八所。次
有五百。名號各別。次有千百。名字
亦別。無間獄者。其獄城周匝八萬餘
里。其城純鐵。高一萬里。城上火聚
。少有空缺。其獄城中。諸獄相連。
名號各別。獨有一獄。名曰無間。其
獄周匝萬八千里。獄牆高一千里。悉

是鐵為。上火徹下。下火徹上。鐵蛇
 鐵狗。吐火馳逐獄牆之上。東西而走。
 獄中有床。遍滿萬里。一人受罪。
 自見其身遍臥滿床。千萬人受罪。亦
 各自見身滿床上。眾業所感。備受眾
 苦。千百夜叉及以惡鬼。口牙如劍。
 眼如電光。手復銅爪。拖拽罪人。復
 有夜叉執大鐵戟。中罪人身。或中口
 鼻。或中腹背。拋空翻接。或置床上。
 復有鐵鷹啗罪人目。復有鐵蛇絞罪
 人頸。

百肢節內。悉下長釘。拔舌耕孽。抽
 腸剉斬。烊銅灌口。熱鐵纏身。萬死
 千生。業感如是。動經億劫。求出無
 期。此界壞時。寄生他界。他界次壞。
 轉寄他方。他方壞時。輾轉相寄。

此界成後。還復而來。無間罪報。其事如是。又五事業感。故稱無間。何等為五。一者日夜受罪。以至劫數。無時間絕。故稱無間。二者。一人亦滿。多人亦滿故稱無間。三者。罪器叉棒。鷹蛇狼犬。碓磨鋸鑿。剉斫鑊湯。鐵網鐵繩。鐵驢鐵馬。生革絡首。熱鐵澆身。飢吞鐵丸。渴飲鐵汁。從年竟劫。數那由他。苦楚相連。更無間斷。故稱無間。四者。不問男子女人。羌胡夷狄。老幼貴賤。或龍或神。或天或鬼。罪行業感。悉同受之。故稱無間。五者。若墮此獄。從初入時。至百千劫。一日一夜。萬死萬生。求一念間暫住不得。除非業盡。方得受生。以此連綿。故稱無間。地藏

菩薩白聖母言。無間地獄。粗說如是。
○
。若廣說地獄罪器等名。及諸苦事。
一劫之中。求說不盡。摩耶夫人聞已
○

愁憂合掌。頂禮而退。

問浮眾生業感品第四

爾時地藏菩薩摩訶薩白佛言。世尊。
承佛如來威神力故。遍百千萬億世界
。分是身形。救拔一切業報眾生。若
非如來大慈力故。即不能作如是變化
。我今又蒙佛付囑。至阿逸多成佛已
來。六道眾生。遣令度脫。唯願世尊
。願不有慮。爾時佛告地藏菩薩。一
切眾生未解脫者。性識無定。惡習結
業。善習結果。為善為惡。逐境而生

○ 輪轉五道。暫無休息。動經塵劫。
 迷惑障難。如魚游網。將是長流。脫入暫出。又復遭網。以是等輩。吾當憂念。汝即畢是往願。累劫重誓。廣度罪輩。吾復何慮。說是語時。會中有一菩薩摩訶薩。名定自在王。白佛言。世尊。地藏菩薩累劫已來。各發何願。今蒙世尊慇懃讚歎。唯願世尊。略而說之。爾時世尊告定自在王菩薩。諦聽諦聽。

善思念之。吾當為汝分別解說。乃往過去無量阿僧祇那由他不可說劫。爾時有佛。號一切智成就如來。應供。正遍知。明行足。善逝。世間解。無上士。調御丈夫。天人師。佛。世尊。其佛壽命六萬劫。未出家時。為小

國王。與一鄰國王為友。同行十善。饒益眾生。其鄰國內所有人民。多造眾惡。二王議計。廣設方便。一王發願。早成佛道。當度是輩。令使無餘。一王發願。若不先度罪苦。令是安樂。得至菩提。我終未願成佛。佛告定自在王菩薩。一王發願早成佛者。即一切智成就如來是。一王發願永度罪苦眾生。未願成佛者。即地藏菩薩是。復於過去無量阿僧祇劫。有佛出世。名清淨蓮華目如來。其佛壽命四十劫。像法之中。有一羅漢。福度眾生。因次教化。遇一女人。字曰光目。設食供養。羅漢問之。欲願何等。光目答言。我以母亡之日。資福救拔。未知我母生處何趣。羅漢愍之。為

入定觀。見光目女母墮在惡趣。受極大苦。羅漢問光目言。汝母在生作何行業。今在惡趣受極大苦。光目答言。我母所習。唯好食噉魚鱉之屬。所食魚鱉。多食其子。或炒或煮。恣情食噉。計其命數。千萬復倍。尊者慈愍。如何哀救。羅漢愍之。為作方便。勸光目言。汝可志誠念清淨蓮華目如來。兼塑畫形像。存亡獲報。光目聞已。即捨所愛。尋畫佛像而供養之。復恭敬心。悲泣瞻禮。忽於夜後。夢見佛身金色晃耀。如須彌山。放大光明。而告光目。汝母不久生汝家。繞覺飢寒。即當言說。其後家內婢生一子。未滿三日。而乃言說。稽首悲泣。告於光目。生死業緣。果報自

受。吾是汝母。久處暗冥。自別汝來。
 。累墮大地獄。蒙汝福力。方得受生。
 。為下賤人。又復短命。壽年十三。
 更落惡道。汝有何計。令吾脫免。光
 目聞說。知母無疑。哽咽悲啼而白婢
 子。即是我母。合知本罪。作何行業
 。墮於惡道。婢子答言。以殺害毀罵
 二業受報。若非蒙福。救拔吾難。以
 是業故。未合解脫。光目問言。地獄
 罪報。其事云何。婢子答言。罪苦之
 事。不忍稱說。百千歲中。卒白難竟
 。光目聞已。啼淚號泣而白空界。願
 我之母。永脫地獄。畢十三歲。更無
 重罪。及歷惡道。十方諸佛慈哀愍我
 。聽我為母所發廣大誓願。若得我母
 永離三途及斯下賤。乃至女人之身。

永劫不受者。願我自今日後。對清淨蓮華目如來像前。卻後百千萬億劫中。應有世界。所有地獄。及三惡道諸罪苦眾生。誓願救拔。令離地獄惡趣。畜生。餓鬼等。如是罪報等人盡成佛竟。我然後方成正覺。發誓願已。具聞清淨蓮華目如來而告之曰。光目。汝母十三歲畢。捨此報已。生為梵志。壽年百歲。過是報後。當生無憂國土。壽命不可計劫。後成佛果。廣度人天。數如恆河沙。佛告定自在王。爾時羅漢福度光目者。即無盡意菩薩是。光目母者。即解脫菩薩是。光目女者。即地藏菩薩是。過去久遠劫中。如是慈愍。發恆河沙願。廣度眾生。未來世中。

若有男子女人。不行善者。行惡者。乃至不信因果者。邪淫妄語者。兩舌惡口者。毀謗大乘者。如是諸業眾生。必墮惡趣。若遇善知識。勸令一彈指間。歸依地藏菩薩。是諸眾生。即得解脫三惡道報。若能志心歸敬及瞻禮讚歎。香華衣服。種種珍寶。或復飲食。如是奉事者。未來百千萬億劫中。常在諸天受勝妙樂。若天福盡。下生人間。猶百千劫常為帝王。能憶宿命因果本末。定自在王。如是地藏菩薩有如此不可思議大威神力。廣利眾生。汝等諸菩薩當記是經。廣宣流布。定自在王白佛言。世尊。願不有慮。我等千萬億菩薩摩訶薩。必能承佛威神廣演是經。於閻浮提利益眾生。

○定自在王菩薩白世尊已。合掌恭敬作禮而退。爾時四方天王俱從座起。合掌恭敬白佛言。世尊。地藏菩薩於久遠劫來。發如是大願。云何至今猶度未絕。更發廣大誓言。唯願世尊為我等說。佛告四天王。善哉善哉。吾今為汝及未來現在天人眾等。廣利益故。說地藏菩薩於娑婆世界間浮提內生死道中。慈哀救拔度脫一切罪苦眾生方便之事。四天王。願樂欲聞。佛告四天王。地藏菩薩久遠劫來。迄至于今。度脫眾生。猶未畢願。愍愍此世罪苦眾生。復觀未來無量劫中。因蔓不斷。以是之故。又發重願。如是菩薩於娑婆世界。間浮提中。百千萬億方便。而為教化。四天王。地藏菩

薩若遇殺生者。說宿殃短命報。若遇竊盜者。說貧窮苦楚報。若遇邪淫者。說雀鴿鴛鴦報。若遇惡口者。說眷屬鬥諍報。若遇毀謗者。說無舌瘡口報。若遇瞋恚者。說醜陋瘞殘報。若遇慳吝者。說所求違願報。若遇飲食無度者。說飢渴咽病報。若遇畋獵恣情者。說驚狂喪命報。若遇悖逆父母者。說天地災殺報。若遇燒山林木者。說狂迷取死報。若遇前後父母惡毒者。說返生鞭撻現受報。若遇網捕生離者。說骨肉分離報。若遇毀謗三寶者。

說盲聾瘡啞報。若遇輕法慢教者。說永處惡道報。若遇破用常住者。說億劫輪迴地獄報。若遇污梵誣僧者。說

永在畜生報。若遇湯火斬斫傷生者。
 說輪迴遞償報。若遇破戒犯齋者。說
 禽獸飢餓報。若遇非理毀用者。說所
 求歿絕報。若遇吾我貢高者。說卑使
 下賤報。若遇兩舌鬥亂者。說無舌百
 舌報。若遇邪見者。說邊地受生報。
 如是等間浮提眾生。身口意業。惡習
 結果。百千報應。今粗略說。如是等
 間浮提眾生業感差別。地藏菩薩百千
 方便而教化之。是諸眾生。先受如是
 等報。後墮地獄。動經劫數。無有出
 期。是故汝等護人護國。無令是諸眾
 業。迷惑眾生。四天王聞已。涕淚悲
 嘆。合掌而退。

地藏菩薩本願 卷上

譲
讀

如來慈愍 轉大法輪 婆羅門女救慈親
 覺華度迷津 摩耶夫人 請問地藏因
 南無地藏王菩薩（三稱）

迴向 Penyaluran Jasa :

【願抄經功德，莊嚴佛淨土，上報四重恩，下濟三途苦，若有見聞者，即發菩提心，盡此一報身，同生極樂國。祈求師尊，諸佛菩薩慈悲加持弟子蓮花

(Nama) _____ (Penyaluran Jasa) _____

願望圓滿是禱】。◎